

Jächalatei

Waal dh Muckl sua gean jachd,
haoutase a Jachdl paacht.
Saa Raisahütt'n, waoua laouat,
haouta diräkt aon Wooldsam baouat,
denn- aom Haouchschtaond mocha niat-
waalnan sua leicht schwündle wiad.
Sein Zwilling nimmta, gäiht af Pürsch:
"Heint schöiße mein Äiaschtn Hürsch!"
saogta za sein Freindalan
döi waoun bhsam aom Schtammtisch sean.
Ea trüinktse diä rächt Schtörkn #o
ud nimmt a Flaschal miet dhvo,
denn aas wiad öizt aoumds schou koolt.
Übahaapts- wennis länga daouan sollt.
"Zeit is!" ea bricht af in Eil
ud aollas wünschnan: "Weidmanns Heil!"
Aa halbs Schtündl mogs ebbs kostn,
naou isa af sein Laouapostn
ud legtse sua sein Sitzploodtz #o,
daaßa dh Wiesen übaschaoua ko.
Öizat luasta aßawoarts.
Dh Woold dea schtäiht sua schtaad ud schwoarz,
nöichans häiatma aon Mucka.
Aon Muckl is saa Köhl sua trucka,
aas Jachdföiba traibt sein Schpuuk.
Ea nimmt vam "Zülwassa" aon Schluuck.
"Ohh, dös tout a suvül gout!"
(Rüchte gmüttele wiadsnan za Mout.)
Dh Wooldwiesn liegt gaonz mouhäll draaß,
blaouß döi Hürsch~~ahn~~ bleim hoalt aas.
Oba aas Flaschl is laa ziemle schnäll
ud dh Muckl wiad kreizfidel,
grinst ud fingat untam Gschtraa:
"Zaan Glück hobe Resärve aa!"
Waalse draaßn nu nix tout,
kühlta weita hoalt sein Mout.
Laongsam zeigtse dh W~~irk~~ung scho,
saumöid wi~~eda~~ dh goute Moo.
In dean Momänt brücht draaß a~~1~~ost.

Dh Muckl rumplt haouch- dhoost
 ud händlt glei naou seina Büchsn.
 Wos! Siahta? "Hearschaft dunnafixn!"
 Zwäi Hürschn schtänga brötlbraat
 af dh Wiesn dort paraat....
 Dh Muckl weiß niat wöinan gschiaht.
 Schou haoutase oin aovisieat
 ud "PUCHCHCH"- daou haout dh Schuuß schou kraacht.
 "Dean hobe sicha niedagmaacht!"
 (Ea wischtse aon Schwaaß asn Gesicht.)
 "Aas Best wenname zammarrücht
 ud ins Würtshaous aichelaaf.
 Daou senn beschtimmt nua poa af
 döi waouma gaonggään² hälfm döin,
 dhama dean schwaan Hürschn näin!"
 Schtaiat sua schnäll wöia ko,
 wöi gsaogt, aas Würtshaisl o.
 Sei Freindala sean aoll nu daou.
 Dh Muckl dea is rüchte Fraouh.
 Ud glei gängas a schou miet,
 wöian saa Jachdglück haout dhzühlt.
 "Dh Loteant ud aon Huud hea Kinna,
 dhama aon Hürschn a glei finna,
 dh Muckl haout a Faaßl zohlt!"
 Luste zöings aße in Woold.
 Schou isma ba dh Laouahütttn.
 "Dortn, diräkt in dh Mittn", -
 dh Muchl zaigt aas Plaatzl o, -
 woans daougschtaondn aolle zwoo!"
 Dh Säff laicht hi miet dh Lotean:
 "Niat vül za säah meine Häarn,
 ao Schpua, oba ko Schwaaß aon Oart!
 Aon Huud hea! Such! Schön Apport!"
 Dh Huud beschnuppatse dean Fleeck,
 naou wöltase a Luach in Dreeck.
 "Daou schtimmt wos niat!" kichat dh Fritz.
 Aon Muckl kummt die flöichat Hitz.
 "Viellaicht kenntma in dh Hütttn drinna
 die rüchtige Schuußrichtung finna!"
 (Dös woa dh Moining va die Leit.)
 Ud rüchte woas, wöisase zaigt.

Wöins aichelaichtn in dh Hütt
lieng zwou laa Flaschn in dh Mittm-
ud glei haoutma dös Ding kapieat:
"Döi haout dh Muckl inhalieat!"
Öizat mörkns saa trumm Fohna:
"Mänsch,- dea haout oin in dh Krona!"
(Faolln aolle üban Muchl hea:)
"Dea haout aon Hürschn dopplt gseah
ud aichegschoßn dort in dh Bouchn.
Daou kanntnma morng anu souchn!?"
Döi Naacht kummt koina ins Bett-
ud dh Muckl haout aas Gfrett.